



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

11 օգոստոսի 2022 թվականի N 1258 - Լ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2020 ԹՎԱ-
ԿԱՆԻ ՄԱՅԻՍԻ 21-Ի N 771-Լ ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ
ԵՎ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ

Հիմք ընդունելով Հայաստանի Հանրապետության Սահմանադրության 146-րդ հոդվածի 4-րդ մասը, ինչպես նաև «Նորմատիվ իրավական ակտերի մասին» օրենքի 33-րդ և 34-րդ հոդվածները՝ Հայաստանի Հանրապետության կառավարու-
թյունը ո Ր Ո Շ ՈՒ Մ է.

1. Հայաստանի Հանրապետության կառավարության 2020 թվականի մայիսի 21-ի «Տնտեսական երկարաժամկետ զարգացմանն ուղղված ծրագրերը հաստա-
տելու մասին» N 771-Լ որոշման N 1 հավելվածում կատարել հետևյալ փոփոխու-
թյունները և լրացումները՝

- 1) 2-րդ կետում «Ծրագրի» բառից առաջ հանել «2.» համարակալումը.
- 2) 2-րդ կետը շարադրել հետևյալ խմբագրությամբ.

«2. Ներդրումներն իրականացվելու են պետության կողմից կազմակերպու-
թյուններին ֆինանսավորելու (այդ թվում՝ այլ ներդրումային ֆոնդում ներդրումներ
կատարելու եղանակով) տրամաբանության ներքո՝ ներկա իրավիճակում
մասնավոր կազմակերպություններում ներդրումների ռիսկերը կիսելու և ֆինան-
սական աջակցություն ցուցաբերելու նպատակով:

Ծրագրի շրջանակներում նախատեսվում է պետության մասնակցությունը «Ձեռնարկատեր+Պետություն հակաճգնաժամային ներդրումների կառավարիչ» փակ բաժնետիրական ընկերության «Ձեռնարկատեր+Պետություն հակաճգնաժամային ներդրումներ» ոչ հրապարակային մասնագիտացված պայմանագրային ներդրումային ֆոնդում (այսուհետ՝ ֆոնդ)՝ մինչև 50 մլրդ դրամ ընդհանուր արժուողությամբ ֆոնդի փայերի ձեռքբերման եղանակով:»:

3) 3-րդ կետը «ներդրումներ իրականացնելու» բառերից հետո լրացնել «պարտավորություն ստանձնելու» բառերով.

4) 4-րդ կետի 3-րդ և 4-րդ ենթակետերը «կազմակերպությունում» բառից հետո լրացնել «(ներդրումային ֆոնդում)» բառերով.

5) 4-րդ կետի 4-րդ ենթակետը «ընկերությունում» բառից հետո լրացնել «(ներդրումային ֆոնդում)» բառերով.

6) 4-րդ կետի 7-րդ ենթակետը «ընկերություններում» բառից հետո լրացնել «(ներդրումային ֆոնդերում)» բառերով:

2. Սույն որոշումն ուժի մեջ է մտնում հրապարակմանը հաջորդող օրվանից:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎԱՐՉԱՊԵՏ

Ն. ՓԱՇԻՆՅԱՆ

Երևան